## 141. Urteil über die Morgengabe von Magdalena Gully an ihren Ehemann Peter Steinheuel

1573 Mai 26

Der Werdenberger Landammann Johannes Tischhauser sitzt auf Befehl von Landvogt Gabriel Streuli zu Gericht und urteilt, dass die Morgengabe, die Magdalena Gully ihrem Ehemann Peter Steinheuel von Sevelen versprochen hat, nämlich 100 Gulden, einen Acker und eine Hofstatt, dem Ehemann, falls er sie überlebt, vor der Erbteilung auszurichten sei.

Valentin Gully, ein Verwandter der Ehefrau, und Michael Engler, Vogt der Tochter der Frau, meinten, diese Morgengabe sei gegen den Landesbrauch.

Der Aussteller siegelt.

Gewöhnlich ist die Morgengabe das Geschenk des Mannes an die Frau am Morgen nach der Hochzeit. Der Konflikt zeigt jedoch, dass die Morgengabe auch ein Geschenk der (meist verwitweten) Frau an ihren (zweiten) Mann sein kann. Es wird deutlich, dass diese Art Morgengabe im allgemeinen Landesbrauch von Werdenberg zwar ungewöhnlich ist und deshalb vor Gericht angefochten wird, aber offensichtlich weder gegen Recht noch Brauch verstösst (siehe auch SSRQ SG III/3, Nr. 54). Im Landrecht von 1639 heisst es allerdings, dass kein Mann einer Frau und keine Witwe einem Mann mehr als 10 Gulden Morgengabe versprechen darf ohne Wissen und Willen der Verwandten (SSRQ SG III/4 174, Art. 52).

Ich, Johanns Tischhuser, der zyth ammann zu Werdenberg, bekenn offentlich mit disem brieffe, das ich uff hütt dem tag, alß synes datumb uß wyst, us geheiß und von bevelchs wegen des frommen, vesten Gabrielen Strölis, des zy [!] raths zu Glarus unnd diser zith landtvogt der grafschafft Werdenberg und herrschafft Warthow, von myns gnedigen herren ein offen, verpanen gericht gehalten unnd beseßen hab, für mich unnd dasselbig kommen ist der bescheiden Better Steinhüwel von Sevelen, hatt fürgebracht, wie das syn eeliche husfrow Madalena Gulisin im hirath unnd werender ee ime zu rechter morgengab, wie harnach volget, bedinglich verheissen und zugseit. Da aber, wie er verstanden, etlich ire fründ darwider und vermeynen wellen, sy sölle im nüt hallten, dann es sige gar wider den lantzbruch. Er verhoffe aber, wz sy ime da verheissen, das sölle billich nit minder dann gehallten werden.

Dargegen Vallenthin Guliß, als ein fründt der frowen, und Michel Engler, ein vogt irer, der frowen, dochter, ouch anzeigen lyeßen, sy vermeinen, der lantzbruch vermöge nit, dz ein frow irem man so gar fil, wie aber sy gethon, ufmachen oder zun einer morgen gab one vorwüssen den nechsten fründen geben sölle. Und vermeynen noch by hüt dem tag, es sölle im in dem fhal nüt gehallten werden.

Uff dz Petter wyter anzeigt, glich wie vor, sy habe im dz ufrecht und redlich verheissen, namlich einhundert guldin, demnach ein acker, Streck Acker genent, der da stost abwert an eeweg, ußwert an Warthower Rieth, ufwert an Andres Brötlis erben gutt, hinwert an eeweg. Ouch die hofstatt, welche stost an Fridli Schlegels stadel, zur andern syten an die gass, driten an Hans Spitzen garten, vierten an Adam Spitzen gut, welches als für fry, ledig unnd loß.

10

Also unnd wann er iren tod, dz gott lang wennden welle, über lepte, alß dann sölle und möge er söliche zwey stucken gut und ouch / [S. 2] die vorschribnen hundert guldin an ligendem oder verenden gut, wo und in welchem eer welle, vor aller theilung voruß dannen nemmen, deß sy ime noch gut anred und bekanntlich sige. Und die wyl nun sy ime dz ufrechtlich und zu bedingten morgen gab verheissen, so verhoffe er, richter und gricht werde vorgenanten fründt und vogt rechtlich dahyn wysen, dz sy inen alda by ruwen lassen und satzt hiemit zu erkanntnuß des rechten, ob dz, wie vorstat, nit billichen sölle beschechen und im alda gehallten werden.

Dargegen vorgemelter Valenthin und Michel, glich wie vor, by irer antwurt belyben und satzten ouch zu recht, dz ime da nüt sölle ghallten werden, die wyl es dem lantzbruch so gar zu wider.

Nach clag unnd antwurt, red unnd wider red unnd nach ir beider siths rechtssatz, ward uff myn, des richters, umbfrag zu recht erkennt:

Die wyl vorgerürte Madalena Gulisin wir gichtig befunden, dz sy im, dem Steinhüwel, das, wie er anzeigt hatt und hievor verschrieben, zu rechter morgen gab verheissen, soll ime, dem Steinhüwel, wann es ze fhal kompt, dz er sy überlebt, billich gehalten werden und dz, wie ime verheissen ist, er voruß dannen nemen allß syn eigentumb ist und syn sol.

Von sölicher urthel begert Better Steinhüwel brief unnd sigel, die im zegeben mit urthel erkennt. Des zu warin urkundt, hab ich, obgenannter richter, mynen gnedigen herren von Glarus, ouch mir und dem ganntzen gericht in allweg one schaden geben, den sechs unnd zwentzigesten tag monaths mey im jar nach der gepurt Jhesu Christi gezallt tussent fünffhundert sibentzig und drü jare etc.

<sup>25</sup> [Vermerk auf der Rückseite von Hand des 19. Jh.:] 1573, ammann und gericht zu Werdenberg betrift eine morgengaab

**Original:** LAGL AG III.2443:082; (Doppelblatt, 2 Seiten beschrieben); Papier, 22.0 × 32.5 cm, Feuchtigkeitsschäden am unteren Rand rechts; 1 Siegel: 1. Landammann Thomas Tischhauser, Papierwachssiegel, rund, aufgedrückt, gut erhalten.